



Inatsisartunut ilaasortaq Knud Kristiansen, Atassut  
Inatsisartut Allattoqarfiat  
/Maani

**Ingerlatseqatigiiffinni Namminersorlutik Oqartussanit pigineqartuni sillimmasiinermit akiliutaasartut pillugit § 37 malillugu apeqqut nr. 274-imut akissutit.**

21-12 2016  
Sullap nr. 2016 - 19875  
Allakkat  
nr. 3220986

Postboks 1015  
3900 Nuuk  
Oqarasuaat (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

Asasara Knud Kristiansen,

Namminersorlutik Oqartussat suliffeqarfiutaanni qanoq unammillernermit politikkeqartoqarnersoq kiisalu Royal Greenland A/S-mi atorfinitsitsisarneq pillugu immikkut Inatsisartut Suleriaasianni § 37 naapertorlugu Naalakkersuisunut apeqquteqaateqarputit:

- 1. Namminersorlutik Oqartussat suliffeqarfiutaanni qanoq unammillernermit politikkeqartoqarami?**
- 2. Royal Greenland aalisakkanik, qalerualinnillu tunisassiornermi saniatigut sanasunik, allanillu sulisoqassava?**

Apeqqummut siullermit pingaernerpaamik akissutigisinnaasattut oqaatigisinnaavara namminersorlutik oqartussat suliffeqarfiutaasa ilaanni unammillernermit atatillugu immikkut piumasaqaateqartoqarsinnaammat namminersorlutik oqartussat suliffeqarfiutaat arlaqartut kisermaassillutik imaluunniit kiffartuussinissamik isumaqatigiisuteqarlutik ingerlatsimmata. Aallaaviatigulli namminersorlutik oqartussat suliffeqarfiutaasa namminersorlutik inuussutissarsiuqartut assigalugit unammilleqatigiinnermi inatsit aamma inuussutissarsiornermi suliffeqarnermilu inatsisit allat attuumassuteqartut malittussaavaat.

Apeqqutivit aappaanut tunngatillugu Royal Greenland aalisakkanik, qalerualinnillu tunisassiornermi saniatigut sanasunik, allanillu sulisoqassanersoq apeqqutip aqutsisunit akisassanngortinneqarpoq. Tamanna tunngaviusumik "nammineerluni aalajangiisarnisamat akuliunnaveersaarnissamik tunngaveqarpoq" pissutsinut ingerlatseqatigiiffiit namminerisamik susassaqaarfiattut isigineqarsinnaasunut ingerlatseqatigiiffinni Namminersorlutik Oqartussanit tamakkiisumik imaluunniit ilaannakortumik pigineqartuni uluinnarni ingerlatsinermit akuliunneq ajormata.

Ingerlatseqatigiiffiit Royal Greenland A/S-ikkutut ittut assersuutigalugu sanasunik allamilluunniit ilinniagalinnik suliffeqarfimmi suliassanik naammassinnissinnaasunik sulisoqannginnissaannut Inatsisitigut aalajangersagaqanngilaq. Apeqqutitut saqqummiunneqartumut ingerlatseqatigiiffiup aqutsisuisa makku oqaatigissavai:

*"...sanasunik 3-4-nik Upernavimmi sulisoqarpugut illuutinik aserfallatsaaliinermik suliassanik. Taamaattumik illuutit qanganitsermanerat pissutigalugu aserfallatsaaliinermik suliassaqartuaannarmat akuersissutit attatiinnarsinnaavavut"*

Apeqqummut saqqummiunneqartumut allanik oqaaseqaatissaqanngilanga.

Med venlig hilsen  
Inussiarnersumik inuulluaqqusillunga



Kim Kielsen